

Inzko se sastao sa delegacijom američkog Kongresa



Visoki predstavnik i specijalni predstavnik EU Valentin Inzko danas se u Sarajevu sastao sa delegacijom koju čini deset američkih senatora i članova Kongresa^{*}. <?xml:namespace prefix = o ns = "urn:schemas-microsoft-com:office:office" />

U izlaganju o trenutnoj političkoj situaciji, visoki predstavnik i specijalni predstavnik EU informirao ih je o političkim preprekama za napredak Bosne i Hercegovine prema euro-atlantskim integracijama i ispunjavanju uvjeta koje je postavilo Vijeće za implementaciju mira za tranziciju OHR-a u EUSR.

“Upravni odbor Vijeća za implementaciju mira zasjeda sutra; jasno je da neće biti u mogućnosti da razmatra donošenje odluke o zatvaranju OHR-a”, rekao je Inzko.

Visoki predstavnik i specijalni predstavnik EU je naglasio da trenutna situacija u zemlji zahtijeva angažman šire međunarodne zajednice, kako bi se podstakle bosanskohercegovačke vlasti da intenziviraju svoje napore na ispunjavanju obaveza iz Evropskog partnerstva i Sporazuma o stabilizaciji i pridruživanju sa Evropskom unijom, te intenziviranog dijaloga sa NATO-om.

Visoki predstavnik i specijalni predstavnik EU pozdravio je stalnu podršku koju Bosna i Hercegovina i OHR uživaju od

Sjedinjenih Američkih Država. Inzko je rekao da je jedinstvenost međunarodne zajednice važan preduvjet za njegov mandat i političke lidere BiH.

* Senator Dick Durbin, senator George Voinovich, senator Roger Wicker, kongreskinja Louise Slaughter, kongresmen Darrell Issa, kongreskinja Gwen Moore, kongresmen Mike McIntyre, kongresmen Lloyd Doggett, kongresmen Robert Aderholt i kongresmen Christopher H. Smith